



Protokoll

Leidandmed	EAA.3374.1.8
Kaader	109,110
Daatum	16.08.1888
Protokoll number	173
Protokoll teema	4. Perekonna- ja pärimisasjad
Märkused	

Kohtumehed			
Eesnimi	Perekonnanimi	Täisnimi	Roll
Johann	Konts		Peakohtumees
Jaan	Wärs		Abikohtumees
Ado	Turwas		Abikohtumees

Ette tuli **Sohwe Puusepp** ja selle man saisja **Andre Piirisild** ja tõtse **Johann Looskaari** pääle kaibust, et wiimane olewad tedda ärra lubbanu wõtta, ja on temmaga lihalikult koggo ellanu, ja pallep kohut latse kaswadamise abbi 150 rubl. **Johann Looskaari** käest wälja mõista.

Johann Looskaar oli kutsmise pääle ette tulnu ja andse selle **Sohwe Puuseppa** kaibuse pääle wastuses, et minna mitte ei ole tedda ärra wõtta lubbanu, ja ei ole ka temmaga lihalikult kokko ellanu, ja **Sohwe Puusepp** oli **Karli Ilwese** maija tulnu, kon minna korteri pean ja on temma **Sohwe Puusepp** sääl kõigi kuulden essi ütelnud, et **Johann Looskar** ei ole mitte minno ärra lubbanud wõtta, ja ei ole ka tema minnoga lihalikult kokko ellanud, - sedda tema oma ütlemist omma kuulnu **Karli Johann** ja **Leena Ilwes**.

Tunnistaja **Karli Ilwes** saije ette kutsutus, ja üteli et **Sohwe Puusepp** käuse küll meije maajan, aga mina nende juttust ja kõnnest middagi ei tija, sest nemad kõnnelesiwa paljogi, kostminna middagi arro es sa ja ei tija nende juttust mittagu üttelda.

Tunnistsja **Johann Ilwes** laskse henda sellega Wallawöölmündre **Petre Glaseri** läbbu wabandada, et tedda **Johann Looskaar** ilma asjanda ülles andnu olewad, ja et temma nende asjast mittagi ei teedwad.

Tunnistaja **Leeno Ilwes** ja selle man saisja **Andre Piirisild** saiwa ette kutsutsu, ja üteli et **Sohwe Puusepp** käwe küll **Ilwese** maajan, aga mes tema sääl kõnneli, ei mäledda minna mittagi sest et jobba 2 aastat taggasi sellest wast on ja ei tija nende asjast mittagu üttelda

Selle pääle saiwa sis kohto käija sääduse perra sisse kutsutus, ja tunnistuse ette loetus, ja es ütle kumbgi ennamb mittagi ütlemist olewad, sis

Mõisteti

et **Johann Looskaar** henda wabastamises üttegi tunnistust anda ei ole, sis peab temma **Johann Looskaar** 3 rubl. egga aasta nunki latse 10ne aastani **Sohwe Puuseppale** latse kaswadamises abbi andma.

Se kohto otsus saije kohton käijele ette loetus ja ärra selletedus, ja Johann Looskaarele opus leht wälja antus.

Päkohtomees

abi "

"

Kirjotaja: Piirisild